

新修曲沃縣志卷之二十五

古蹟考

祠廟

寺觀

壇壝

城邑村堡

亭臺宮府

陵墓

歲月遞更歷時既久遺蹤陳跡何處靡有過客感懷遊人翹首與河山壽長此不朽 志古蹟

軒轅遺蹟

東北喬山中峯有軒轅廟。世傳軒轅黃帝葬此。或曰。葬衣冠處。

關帝廟

邑中所在多有。清季。春秋二仲月。及五月十三日。各致祭一次。並在今大東關廟內。民國

關岳合祀。將靳衛關帝廟改稱關岳廟。春秋致祭。其典禮與祀孔同。

文昌廟

在文廟東。清季。每年春秋二仲月致祭。其禮節與文廟同。光緒十六年。遭回祿。今惟魁星

樓存在。

黃帝廟

一在城吏字約。正門向東。邑人賈生芝重建。清乾隆五十九年。重修樂樓。至六十年八月

工竣。一在橋山中峯。後周顯德中建。今廟毀。石柱鐵瓦猶存。遇旱禱者。有片雲止簷際。輒

雨。一在蒙城鎮。明知縣劉璣建。清康熙三十八年重修。知縣潘錦記。乾隆十九年。知縣陳聖

敬修。至二十年知縣張坊落成。一在東庄。一在西張塞。一在南平望。一在白塚村。

新修曲沃縣志

卷二十五

第五考

古蹟考

祠廟

一

一在北辛村。一在席村。一在中張塞。一在小李村。

真武廟

一在上西關。一在大李村。一在隘口。一在東高村。一在張少村。一在北屬寺。

成湯廟

一在城宗字約。一在史店。

恭世子祠

在城下西門內。世子經於新城。邑人祀之。事實見孝友。內有保嬰栢。土人求子長命者。禱於栢。多應。

城隍廟

在城吏字約。元延祐元年。縣尹杜英創建。至清代乾隆三十三年。重修前後殿。廊房。臺樓等處。歷施朱沈三任。於三十六年落成。及咸豐三年。兵燹毀於火。八年。知縣應學。重建正殿五楹。享殿三楹。寢宮一所。旁及樓臺廊廡。九年工竣。

八蜡廟

在城北。明正德三年。知縣王諤建。清道光二十一年。知縣張兆衡重修。

后土廟

一在城友字約。一在濟溪。一在大李村。一在小李村西。一在義門。一在北王村。

西鄉侯廟

在古東門外。清乾隆二十一年。土民建。祀後漢張桓侯。

二郎廟

在城大水巷。秦西蜀太守李冰之子。佐冰治水有功。蜀人祀之。清雍正五年。勅封李二郎

爲承績廣惠顯英王。光緒五年。重建戲樓。及天后聖母宮。

三聖廟 一在城長字約。明正統戊辰年建。嘉靖甲申重修。邑人許遜有碑記。一在北莊。一在林交。一在山底。一在郭村堡。

濟瀆廟 一在城師儒二約間。明天順八年。耿純有碑記。一在濟溪。金皇統中。里民某者。善事神。於濟瀆尤謹。嘗走濟源焚香。數十年無倦色。一日。稽首神座前曰。小人筋力衰矣。明年不能來也。歸而檢行李。有龜在焉。某大怪之。或曰。神所憑也。已而逸入紫金山麓。有泉出焉。即濟溪也。乃相與爲廟祀之。見舊通志。明府志。劉魯生志。元。吉天祐。劉若泉。俱有碑記。濟。崔致遠。有濟瀆辨碑。

泰華廟 一在城主字約。一在大李村。一在盈村。一在隘口鎮。

魁星樓 一在文廟東。一在黃帝廟。一在古城東南角。一在古東門樓。一在外城東南角樓。一在大南關南。一在東閭村。一在廐祁村。一在大李村。一在小李村。一在四牌樓。一在小南關。一在北屬寺。

天神廟 在縣治西。祀日月星辰風雲雷雨霜雪九天之神。清乾隆二十二年。知縣張坊爲民祈禱。創建。即察院舊址。民國改建警察所。

新修曲沃縣志

卷二十五

第五考 古蹟考 祠廟

一一

馬王廟 在張公祠西。即布政司舊址。清光緒時。木廠居佔。失慎遭回祿。民國改建自治公所。

藥王廟 一在城黃帝廟內。一在城西關。一在大李村。

火神廟 在城黃帝廟內。一在主字約關帝廟。一在城后土廟。一在義門。

三官廟 一在下西門內。一在郭馬村。一在東張寨。一在坡裏張寨。一在大李村。一在小里村。一在南平望。一在白塚。一在下塢。一在山下村。一在北郭馬。一在文敬村。一在東馬庄。一在牛村。一在景明村。一在西上官村。

金龍大王廟 一在下西門內。一在二郎廟。一在大南關。一在安吉村。

武廟 在城治北關演武廳後。清乾隆二十二年。知縣張坊創建。後失修。廟廢址存。

龍王廟 一在上西關外藏經閣左。清乾隆九年。知縣黃宸重新。二十一年。知縣張坊增建戲樓。一在東張寨。一在張少村。一在侯馬北門外。一在錦屏山。一在趙村。一在海頭村。溫泉上。每歲清明。用水二十一村祀之。宋金元明。代有碑記。

蠶姑廟

在上西關外。舊傳爲齊姜行祠。以介林母及林妻附之。(前志)稱殘苦廟。(侯志)遵(通

志)(府志)更之。

臺駘廟 在汾水東駘神村。翰林朱彝尊有詩。

介林廟 在安吉村。廟下爲介林墓。

太子廟 在城北十里荀王村。古傳晉太子泛舟沒於陂。村人傷之。建廟祀陂旁。荀王里村。爲荀息里克故里。其後裔奉二大夫配享。後荀氏去克而獨祀息。里氏訟於官。牒罷克祀。荀氏以太子無考。改祀息所事奚齊。爲奚齊廟。村人謂宜仍祀泛舟太子。而罷出荀息。金末。陂水涸。成田。社人利之。遂止。明令趙彥復。清令鄭志鯨。改祀太子申生。邑人爲非申生之廟。神必不享。且荀氏既事奚齊。則皆晉國之君也。宜並祀卓子。訐訟無休。前令張坊。判令奉晉文公奚齊於東楹。惠公卓子於西楹。與申生並祀。又奉杜原欵。狐突於西廡。配荀息以解之。各村土庶。爲添塑六像。大新其廟。並改路廟前。築景臺。建茶亭。招僧居之。

禹王廟 在南平望村。

老子廟 在東閭村。俗名老君坡。有子孫栢。每二月十五。四月初八。婦女求嗣者。競折栢枝作佩。一在小東關。

玉皇廟 一在東關外。一在盈村。一在東閭村。一在郭馬村。一在義門村。一在西侯馬。

新修曲沃縣志

卷二十五

第五考 古蹟考 祠廟

三

一在大李村北門上。一在東高村。一在高顯。

九龍王廟 在景明村東。每歲清明日。用水一十一村祀之。邑人劉尙質有記。

回龍王廟 在張少里。相傳晉侯出遊。雨。祈土地廟。雨止。遂封爲此神。邑人耿純有記。

汾上廟 在汾上村西。清令潘錦有記。

河神村 在大里村。

蕭相國廟 在郭馬村。

漢文帝廟 在河上村。

唐太宗廟 一在西城村。創建無考。元至正間重修。一在西韓村。太宗曾吞蝗除民害。建廟以祀之。

秦子令將軍廟 在秦村。

三結義廟 一在上馬村。一在大東關。一在二郎廟。

子朱子祠 在從教書院。以東閭村曹月川端。通利坊衛絳山。崑山顧亭林。炎武。見賢村張伯喬子。特四先生配。清季。每歲山長同紳士率諸生。春秋二仲月。暨九月十五日。三致祭焉。

蕭曹祠在縣署吏廡。清雍正九年知縣王世銑修後增配邑名宦漢賈逵、唐崔翬、宋李復、元閻得中。明劉璣、何出光、清葉華暉、阮汝昭八人於中。

獄神祠 在園圍。

土地廟 在縣署大門內西。

馬神祠 在縣署大門內西。即主簿宅基址。

節烈祠 在警察所西。本明萬曆時。邑人爲知縣王明善建。清康熙四十四年。知縣潘錦改祀本縣烈女。民國十一年。知事鄔漢章重修。

莊簡公祠 在縣治西偏。祀明禮部尚書李浩。正德中以上四事不報。致仕。壽八十餘歲。屢勅存問。沒諡莊簡。勅立祠。有司春秋祀之。（舊志）

喬公祠 在侯馬鎮。諱光烈。江南上海人。巡河東時。請歸蒙城驛於史村。邑人建祠。與明公並祀。相傳公以三月十五日生。即於是日報賚焉。後改爲二公館。即今區公所。

明公祠 在侯馬鎮。姓拉方阿氏。諱明德。撫晉時。奏裁蒙城驛歸太平之史村。邑人感之。建祠致祀焉。後改爲大公館。

新修曲沃縣志

卷二十五

第五考 古蹟考 祠廟

四

郭汾陽王祠 在林城村。王之十六世孫名忠者。於前明自華陰來沃家焉。歷九世孫奉祀。生時

明。於清雍正初。往華陰展墓。修家譜。又請於學使。修家祠祀之。

孟姜女祠 在侯馬之西。姜女尋夫於長城。涉澮水。濕衣褻。曬衫于此。名羅衫坡。相傳坐石上哭。夫。有手痕在焉。名人題咏甚多。

二程夫子祠 在衛家莊。宋南渡時。程氏子孫名庶者。自豫來沃。因家焉。建祠於本莊。

曹月川先生祠 在東閭村。先生詳載人物。其先本村人。故祀之。

溫泉龍王行宮 在縣治東。舊爲潘公祠。後並祀葉令華暉。王令瑛。清乾隆二十年。溫泉來城。邑民請改爲龍王行宮。以唐崔令翬。宋李令復。並潘葉王三令配享焉。

魯班祠 在天神廟東。清乾隆戊寅。本邑梓匠全建。

太歲祠 在城隍廟左。邑土工磚瓦匠作。合祀。以奉當年太歲之神。

賈司馬祠 一在城。祀清尚書賈漢復。一在侯馬。內廳兩座。樓廊十四間。前鎮無公館。縣官常借以辦差。曰賈公館。

太史許公祠 在東許村。祀清翰林院庶吉士許琳。

三世大夫祠在城吏字約。祀清太僕寺正卿李瓚。榮府左長史從祀鄉賢李廷賈。奉政大夫大名府同知從祀鄉賢李日煦。解元進士布政司參政李日強。

上蔡許公祠在城小水巷。祀明上蔡令許永禧。今廢。

觀察仇公祠在城主字約。祀清兵備道仇昌祚。

忠義祠在自治公所西。即從教書院故址改建。祀清咸豐粵匪陷城。同治捻匪擾境時。死難之官吏紳民。今設地方公歛局。

張公祠在自治公所東。清乾隆間。知縣張坊。政教修明。治功卓著。邑人感德。建生祠祀之。

寺觀

感應寺在縣西關。宋嘉祐五年建。乾道年建磚塔。基餘一畝。高十二層。元大德七年地震。裂而爲二。墮其四。今存八層。清順治十年。知縣李侔棟重修。

秋林寺在縣西二十五里張少村。元魏延昌三年建。明洪武初。併福勝寺入焉。

靈光寺在縣東二十四里閻村。見古蹟。一在大東關。清乾隆二十九年建。

普救寺一名山嶸寺。在縣東北六十里太尖山。唐釋曇璣。天寶元年遊山中。二兔引徑入。戒行清

新修曲沃縣志

卷二十五

第五考 古蹟考 寺觀

五

潔。龍神聽講。土人建寺祀之。後遇旱。禱雨立應。廣德二年。晉絳守張光俊。楊子宏。表聞代宗。賜額普救。賜曇璣號慈濟大師。寺居山巔。苦乏水。庭中鑿石井。貯雨雪。賈鳴璽詩。所謂山高行汲遠。積雪好烹茶也。左右多異木。西北峯浮圖立雲中。曇璣建。後有石室。曇璣修煉處。釋機公蛻化寺中東廡。遺跡尚存。

傳教寺縣西南四十里驛橋村。宋嘉祐八年建。明洪武初。併昌福寺入焉。清康熙四十八年重修。石佛寺在大李莊。清尚書賈漢復重修。舊有石像二。其一高二丈餘。座下字跡剝落。可識者秦公勳。妻席發心敬造。一高尺許。有唐顯慶四年。清信女史暉。爲亡夫解馮仙造。清乾隆五十三年。村人甯國同知裴志灝。又自聞喜裴晉公祠移來一尊。高三尺餘。係唐咸亨三年。并州倉曹參軍裴居儉兄弟等。爲考舒州使君敬造供養。有碑。

大明寺在吉許村。本村信士梁國照施地。僧人證海興祿募資創建。原碑文字剝落。不可詳究。僅有明萬歷四十七年重修碑可考。

水月寺在聽城村東一里許。春夏之交。花木盛開。登樓一望。爽人心目。

慈雲寺

在聽城村。創自金大定年間。

五印寺

在縣下西關。

崇慶寺

在高楊村。金大定二十年勅建。

興國寺

在高口。金興定三年勅建。一在趙村。

嘉祐寺

在觀莊里。一在口村。

洪教寺

在東下塢。一在東賀村。一在下郇莊。

大明寺

在郇村。一在林城。一在吉祥村。

龍泉寺

在林交里。一在香邑。一在東縣冊。

望汾寺

在南莊。

觀音寺

在林節村。

大甯寺

在鳳城村。明成化間創建。

福慶寺

在張王村。

興德寺

在東韓村。明隆慶間建。

興福寺

在西白集莊。

三教寺

在西李莊。

林洞寺

在東高村。

延壽寺

在北塢村。

慈恩禪寺

在西馬莊。明嘉靖十三年勅建。

靈崖寺

在望絳村。

十王院

在感應寺東。宋嘉祐間建。元順帝至元六年重修。清順治八年知縣李倅棟重修。

普濟院

在尉村。金大定二年勅建。一在褚村里。元勅建。

新修曲沃縣志

卷二十五

第五考

古蹟考 寺觀

六

清涼院

在文吉村。金大定二年勅建。一在南莊。元勅建。一在西周村。一在上官村。一在東楊村。一在王村。

觀音院

在西常村。一在安定村。一在西辛店。一在西甯村。一在王村。

福勝院

在南秦村。一在東庄。金大定二年建。一在小郝村。元至元四年建。

興福院

在西陽呈。一在蒙城。一在李村。一在趙村。一在西楊村。

大覺院

在南楊村。一在北房西里。一在西陽呈。一在南屬寺。一在辛村。

義濟院

在城師字約。清順治五年建。慈雲院

香巖院

在史村。金大定勅建。

興化院

在上官村。一在盈村。金大定十四年建。

寶峰院

在東陽呈。

后土院

在交里。

玉皇院

在東縣冊。

福昌院

在下馬里。明正德年間建。

修橋院

在北王村。

廣福院

在東凝村。一在西賀里。金大定二年建。

南常院

在庭城村。

讚公院

在南白集莊。

文殊院 在南白集莊。

南柴院 在南柴村。

回華院 在郭村。

普救院 在縣冊。一在周莊。

普照院 在喬村。一在下馬莊。一在
西周。一在靳莊。

靈巖院 在上裴庄。一在南董村。

正果院 在神泉。唐咸亨二年建。金大定
二年重修。

玉泉院 在秦村。元至元間建。一在縣
冊。一在海頭村。

洪福院 在牛村。一在西辛店。

兜率院 在楊庄。一在北辛村。

壽聖院 在吉祥莊。

十帝院 在八頃里。

妙覺院 在楊談莊。一在楊村。

普賢院 在見賢里。一在萬戶村。一
在楊賢里。

大悲院 在楊賢里。宋治平四年重修。
一在曲村。

十地院 在八頃莊。

彌陀院 在北白集。

護國院 在營里村。清雍正年間重修。

洪教院 在白店。

林泉院 在西明德。明萬歷間建。

富塚院 在下郇莊。明嘉靖間建。

雲澤院 在楊村。明萬歷間建。

新修曲沃縣志

卷二十五

第五考 古蹟考 寺觀

清古院 在北董村。

藥師院 在北屬寺。

普恩上院 在東棘壁。金大定二年建。

三教院 在南塢村。

普恩下院 在東口壁。明嘉靖十八年
建。

福慶院 在東城莊。

龍泉院 在縣冊。

華嚴院 在望絳村。

興國院 在庭城。

超化院 在張范村。一在史村。

準提菴 在城吏字約。一在上西關。清大學士衛周祚。尚書賈漢復建。一在張寨。

善同菴 在大東關。明天啓間建。

圓通菴 在城東關。釋普月化此。建塔藏之。一在東馬莊。

慈壽菴 在大東關。清康熙四十六年建。

淨土菴 在小東關。舉人因二卿書額。一在北白集。釋心如建。中書賈鳴璽題額。
一在厓上。

大雄菴 在小西關。清順治七年重修。

千佛菴 在林城莊。

白衣菴 在蘇村。釋江公卓錫於此。村人築菴居之。清康熙五十七年重修。中書賈鳴璽有記。

玉清菴 在林交村。明正德間建。

洪福菴 在東閻村。

三教菴 在薛庄。明成化間建。一在南王村。

興濟菴 在交橋北。

延生菴 在東馬庄西北。

禪教菴 在南上官村。

慈雲菴 在司馬莊。

福慧菴 在南韓村。

慈惠菴 在東凝村。

新修曲沃縣志 卷二十五 第五考 古蹟考 寺觀

博濟菴 在下塢莊。

慧清龕 在縣治中興門外。清咸豐五年建。

楞伽洞 在李野。明萬歷間建。有佛手栢葉。可療疫。又名疊出栢。

圓通洞 在觀莊。一在程村。一在小里村。邑人郭允升有碑。

千佛洞 在安吉村。 普濟洞 在驛喬村。明萬歷間建。

紫霞洞 在裴南莊。 招仙洞 在隘口。有石井深二百餘丈。明萬歷間重修。

金水洞 在方城。清進士仇鳳翀讀書處。 法雲洞 在任莊。

龍巖洞 在景明。明萬歷間建。 朝陽洞 在廐祁村。一在城小莊。

慈氏洞 在隘口。 明光洞 在隘口。

紫陽洞 在隘口。 觀音洞 在平樂。一在白水。

龍華洞 在南吉村。明萬歷間建。 崇教洞 在北屬寺。

鐵佛洞 在北屬寺。

雲霞洞 在棘壁。一在小李。

華巖洞 在坡里張寨。

羅漢洞 在張村。

三寶洞 在辛店。

白衣洞 在郭村。

清涼洞 在東凝。

龍泉洞 在周莊。

慈雲洞 在義城。

法華洞 在太許。

峒霞洞 在西陽呈。明萬歷間建。

文昌洞 在城小南關。明萬歷間建。

崇德宮 在林交里。

朝陽洞 在西陽村東南隅。

修德宮 在秦崗。

梵王宮 在南常村。

無量宮 在侯馬鎮南。明天啓四年建。清乾隆十九年重修。

紫霞宮 在紫金山頂。昔有好南華經者。習靜其中。丹爐猶存。宮側有風洞。

新修曲沃縣志 卷二十五 第五考 古蹟考 寺觀

紫陽宮 在縣南二十里紫金山巔。絕壁如削。北拱縣城。似列屏焉。

先天宮 在西縣册。元中統三年建。一在東常村。

玉清觀 在縣東關。金大定年建。一在裴南莊。

會雲觀 在蒙城里。

太清觀 在八頃里。

會真觀 在義城里。

太虛觀 在北王村。

龍祥觀 在東縣册里。

龍泉觀 在平樂。

雲臺觀 在東陽呈。一在東莊。

遇仙觀 在東陽呈。

玉真觀 在義門。

先天宮 原名長春觀。係元中統三年。道教李真人所管。清雍正十三年。改立今名。在東常村。

觀音堂 在埕上村。一在西莊。一在南上官村。一在荀王村。

三星閣 在侯馬乾盛堡。清道光二十九年建。

千佛閣 在任莊。

春秋樓 在萬戶村。清同治四年建。

壇壝

風雲雷雨山川壇 在城東南。明洪武七年。知縣李擴起建。朱武告竣。嘉靖九年。縣丞王懷禮

修。清雍正十二年。知縣王世銑重修。乾隆二十一年。知縣張坊重修。加建更衣所。齊宿所各一楹。每歲春秋戊日致祭。

社稷壇 在城西北。明洪武七年。知縣李擴起建。朱武告竣。嘉靖九年。縣丞王懷禮修。清雍正十一年。知縣王世銑重修。乾隆二十一年。知縣張坊重修。加建更衣所。齊宿所各一楹。每歲春秋戊日

新修曲沃縣志

卷二十五

第五考 古蹟考 寺觀

十

致祭。

先農壇 在城北。清雍正五年。知縣葉華□建。每歲仲春亥日致祭。

邑厲壇 在城北。明洪武三年建。嘉靖九年。縣承王懷禮修。清雍正十一年。知縣王世銑重修。每歲清明。七月十五日。十月初一日。致祭。

鄉厲壇 在各鄉。厲壇之設。子產所謂鬼有所歸。乃不為厲也。陸稼書云。會典所載祭文。備極鬼神之情狀。皆聖賢神道設教。通幽之誠意。清乾隆二十三年。知縣張坊諭各里鄉社厲壇。令每年司事。亦三祭之。

漏澤園 在城北。一在城西。邑人賈漢復捐地。一在侯馬鎮。小里村貢生張存敏捐地。

義田 縣境多有。清光緒丑寅間。歲大飢。餓殍屍橫道塗。轉填溝壑。有江蘇樂善富紳潘民表者。來沃助□。見而憫之。爰於上西關外。買地十二畝。九分有奇。掩埋暴露。其地徵糧銀一兩五錢三分零。另有記潘紳助賑。詳載流寓志。

附清乾隆八年部頒祭文

雩祭社稷先農山川之神祝文

恭膺詔命。撫育羣黎。仰禮彤廷保赤之誠。勤農勸稼。俯惟部屋資生之本。力穡服田。令甲爰頒。肅舉祈年之典。惟寅將事。用申守土之忱。黍稷惟馨。尚冀明昭之受賜。來牟率育。庶俾豐裕於蓋藏。尚饗。

致祭風雲雷雨山川城隍之神祝文

維神贊襄天澤。福祐蒼黎。佑靈化以流形。生成永賴。乘氣機而鼓盪。溫肅攸宜。磅礴高深。長保安貞之吉。憑依鞏固。實資捍禦之功。幸民俗之殷盈。仰神明之庇護。恭修祀。正值良辰。敬潔豆籩。祇陳牲幣。尚饗。

致祭社稷之神祝文

維神奠安九土。粒食萬邦。分五色以表封圻。育三農而蕃稼穡。恭承守土。肅展明禋。時屆仲春秋修祝典。庶丸丸松栢。鞏磐石於無疆。翼翼黍苗。佐神倉於不匱。尚饗。

致祭先農之神祝文

維神肇興稼穡。粒我蒸民。頌思文之德。克配彼天。念率育之功。常陳時夏。茲當東作。咸服西疇。洪惟九五之尊。歲舉三推之典。恭膺守土。敢忘勞民。謹奉彝章。聿修祀事。惟願五風十雨。嘉祥恒沐。

於神庥。庶幾九穗雙岐。上瑞頻書於大有。尚饗。

祭厲壇祝文

維某年月日。某等遵承禮部劄付。爲祭祀本縣闔境無祀鬼神衆事。該欽奉皇帝聖旨。普天之下。后土之上。無不有人。無不有鬼神。人鬼之道。幽明雖殊。其理則一。故天下之廣。兆民之衆。必立君以主之。君總其大。又設官分職於府州縣。以各長之。各府州縣。又於每一百戶內。設一里長。以袖領之。上下之職。綱紀不紊。此治人之法如此。天子祭天地神祇。及天下山川。王國各府州縣。祭境內山川。及祀典神祇。庶民祭其祖先。及里社土穀之神。上下之禮。各有等第。此事神之道如此。尚念冥冥之中。無祀鬼神。昔爲生民。未知何故而歿。其間有遭兵刃而橫傷者。有死於水火盜賊者。有被人取財而逼死者。有被人強奪妻妾而死者。有遭刑禍而負屈死者。有天災流行而疫死者。有爲猛虎毒蟲所害者。有爲飢餓凍死者。有因戰鬥而殞身者。有因危急而自縊者。有因墻垣傾頽而壓死者。有死後無子孫者。此等鬼神。或終於前代。或歿於近世。或兵戈擾攘。移流於他鄉。或人姻斷絕。久缺其祭祀。姓名泯沒於一時。祀典無聞而不載。此等孤魂。死無所依。精魂未散。結爲陰靈。或倚草附木。或作爲妖怪。悲號於星月之下。呻吟於風雨之時。凡遇人間令節。心思陽世。魂杳杳以無歸。身墮沉淪。意懸懸而望祭。興言及此。憐其慘悽。故勅天下有司。依時享祭。在京師有

泰厲之祭在王國有國厲之祭在各府州有郡厲之祭在各縣有邑厲之祭。在一里又各有鄉厲之祭。期於神依人而血食。人敬神而知禮。仍命本處城隍以主此祭。欽奉如此。今某等不敢有違。謹設壇於城北。以三月清明。七月十五日。十月初一日。置備牲醴羹飯。專祭本縣闔境內無祀鬼神等衆。靈其不昧。來享此祭。凡我一縣境內人民。倘有忤逆不孝。不敬六親者。有奸盜詐僞。不畏公法者。有拗曲作直。欺壓良善者。有躲避差徭。耗損貧戶者。似此頑惡奸邪不良之徒。神必報於城隍。發露其事。使遭官府。則行笞決杖。斷不得號為良民。重則徒流絞斬。終不得生還鄉里。若事未發露。必遭陰譴。使舉家並染瘟疫。六畜田蠶不利。如有孝順父母。和睦親族。畏懼官府。遵守禮法。不作非為。良善正直之人。神必達之城隍。陰加護佑。使其家道安和。農事順序。父母妻子。保守鄉里。我等闔縣官吏。如有上欺朝廷。下枉良善。貪財作弊。蠹政害民者。靈必無私。一體昭報。如此。則鬼神有鑒察之明。官府非諂諛之祭。尚饗。

民非土無以立。非穀無以生。沃之祀社稷。義通上下。古者州社之遺也。而風雲雷雨山川何以並祀也。嘗考唐制。天寶間。令諸郡各置風伯雨師壇。因春秋祭社之日同享。又詔祀雨師。宜以

新修曲沃縣志

卷二十五

第五考 古蹟考 壇壝

十一

雷師同壇。祭共牲。載考梁制。大同間。郡縣旱。守令齋潔三日。祈其界山林川澤常興雲雨者。歷代守之弗變也。而厲何以並祀也。既念其生。復念其死也。而里何以亦社。而鄉何以亦厲。猶是通於上下之義也。國家愛民之心。敬民之法。於是乎大備。清知

縣 潘 錦 原 叙

城邑村堡

曲沃故城

在縣治西南二里。西周晉成侯徙曲沃。歷厲侯靖侯僖侯獻侯五世都此。至穆侯始徙都絳。鄭康成詩。晉曾孫成侯徙居曲沃。近平陽焉。

沃國

即曲沃古城。晉昭侯封桓叔於此。別號沃國。歷莊伯。武公。滅翼。始徙都焉。土人呼晉城。東西北三面城基尚存。

涇庭城

縣東北十里。庭城村。(左傳)桓公三年。晉武公伐翼。次于涇庭。

下國

即沃國城。晉都古絳。踞絳澮之源。沃居於下。故稱下國。(左傳)晉侯改葬共太子。狐突適下

國。遇太子。即此。以其在新城西。故曰新城西偏。

新城 即今內城（左傳）驪姬使言於獻公。曰曲沃君之宗也。宗邑無主。則民不威。若使太子主曲沃。可以威民。公說。使太子居之。閔公元年。公將上軍。太子申生將下軍。滅耿。霍。魏。還。爲太子城。曲沃號新城。僖公五年。太子自縊於新城。其祠墓在今治外城下西門內。

古鵠邑 在城南十里（唐風）揚之水。篇從子于沃。又從子于鵠（傳）曰。沃曲沃也。鵠曲沃邑也。今爲安鵠村。

太子陂 在縣北十里。世傳晉太子。曾泛舟於此。故名。今澗。太子不可考。前趙鄭二令。俱以爲太子申生。有碑記。

欒氏食邑 在縣東南十二里。今盈村。

棘壁 在縣東二十里（左傳）成公五年。秋八月。鄭伯及晉。趙同盟於垂棘。即此（杜注）垂棘晉地（穀梁傳）晉獻公欲伐虢。荀息曰。君何不以屈產之乘。與垂棘之璧。假道於虞也。公曰。此晉國之寶也。（王勃上絳州司馬啓）耀靈桂於趙席。垂棘知歸。辨羣籟於莊軒。懸匏自記（蘇頲授裴君土詹事府制）地稱垂棘之寶。門降禮華之賁（文選）垂棘出晉。虞虢雙禽。又賦。晉操棘壁。爲閭世之希珍。自古壁稱棘壁。村名因之。因金主亮求璧於澮水。縣官掘岸。淘河無所得。不勝其苦。遂

新修曲沃縣志

卷二十五

第五考 古蹟考 城邑村堡

十三

改村名。吉必以亂之。故晉絳謠云。絳州帖。垂棘壁。苦徵求。皆滅跡。其實兩村碑記。猶名棘壁。

鉏蹬（水經注）天井水。出東陘山西南。北有長嶺。嶺上東西有通道。即鉏蹬也。穆天子傳曰。乙酉。天子西絕鉏蹬。西南至鹽。是也。（郭璞注）云。即井鉏之山。一云。即鉏山之坡。

新田故城 在今治西南三十里（左傳）成公六年。晉景公謀去故絳。諸大夫議居郇瑕。韓獻子曰。不如新田。土厚水深。居之不疾。有汾澮以流其惡。公從之。夏四月。遷於新田。又號新絳。歷厲。悼平。昭。頃。定。出哀。幽。烈。孝。靖。凡十三世都此。其地面山帶水。氣象萬千。每當深秋。丹楓遠映。清光如練。邑景所謂新田秋色者也。

平公故梁（水經注）曰。虜祁宮北。橫水有故梁。截汾水中。凡三十柱。柱徑五尺。裁與水平。蓋晉平公之故梁也。物在水中。故能持久。

靈轍故里 在西趙村。有碑。即鬻桑餓人。

河上村 在縣東北二十里。相傳河上公隱八寶山。漢文帝之國於代。訪道德於山中。河上公送之於此。昔結茆菴。有文帝廟。

高顯 即今高顯鎮（後周書）周主自汾曲帥師救晉縣。次于高顯。清同治七年。知縣賀澍恩。奉憲

修築城垣。至光緒二年工竣。

樂昌堡

在縣南三里。今爲安吉村。後周明帝移縣治於樂昌堡。即此。隋開皇十年移今治。

趙文子食邑

縣西北趙莊。或曰。即藏趙孤地。

羊舌大夫故里

縣東北羊舌村。

見賢村

晉平公見亥唐於此。因以名村。

宮府亭臺

武宮 在故城正北。獻公祀武公及列祖其中。(左傳)獻公蒸於曲沃。又壬寅。文公入於晉師。丙午。

入於曲沃。丁未。朝於武宮。又辛巳。悼公朝於武宮。

銅鞮宮

(杜預注)銅鞮晉離宮。(左傳)今銅鞮之宮數里。是也。又成公九年秋。鄭伯如晉。晉人討

其貳於楚也。執諸銅鞮。(注)銅鞮晉別縣。以註考之。名宮。應在新田。名縣。應在上黨。以爲宮在上黨者非。

固宮

在新田西南數里。(左傳)襄公二十三年。欒盈率曲沃之甲。以畫入絳。范宣子奉公以如固

宮。(杜預注)固宮。宮之有臺。觀守備者。

新修曲沃縣志

卷二十五

第五考 古蹟考 宮府亭臺

十四

虎祁宮

在新田西南十里。距今治四十里。晉平公之所構也。宮沒址存。其地背汾面澮。西則兩川

之交會。(水經注)汾水西逕虎祁宮。北又西逕正橋。澮水入焉。

軍府

在新田。晉府藏。楚鍾儀居此。今廢。

絳臺

(國語)晉平公爲九層之臺。(後漢書)馮衍傳。顯志賦。饁女齊於絳臺兮。(注)女齊。晉大夫

司馬侯也。絳。晉所都也。臺。即晉平公九層臺也。

施夷臺

(韓非子)衛靈公之賈。平公置酒于施夷之臺。使師涓作靡靡之樂。師曠審其爲亡國音

也。乃作清商之音。元鶴舞。又作清角之音。白雲起。按子書荒唐。臺之有無不可攷。或即絳臺。亦未可知。

新田府

在縣西三十里。唐絳州三十三府兵之一。有右衛新田府。折衝都尉一人。

神泉府

唐絳州三十三府兵之一。在縣合水之南。

鬼谷子洞

在問卦村。相傳鬼谷子栖隱處。白起伐趙。問卦於此。至今遺跡尙存。

雷神臺

在大東關。建築不知年月。臺上之槐。人稱漢槐。其建築當即在漢時云。

姜女手蹟

在縣西南侯馬鎮南河之西。世傳秦時。范植役長城。其妻孟姜送衣絕塞。經此地。托

堰而哭。手印其上。遺蹟不沒。其旁爲羅衫坡。即姜女曬衣處。

鐵官署（前漢書）（地理志）河東志絳縣有鐵官。蓋桑宏羊平準官之所轄也。

太平館 元時建。邑人靳榮。劉尚質。觴咏於此。今廢。

郝修已故居 在縣西南紫金山。元末卜築。明初擢明經第一。歷官刑部郎中。以清介賜居紫金山。呂乾健有記。

白石樓 沃泉亭西。明嘉靖。邑人李鎮。面白石山構樓。其上有西溪。白雲洞諸勝。明狀元呂柟。燕人張詩。遊覽有詩。

馬興之殉難處 興之名獻圖。甯夏人。世襲錦衣衛官。爲總理關甯經畧馬世龍子。明崇禎癸未。流賊李自成陷甯夏。獻圖爲所執。賊以其將家子。欲誘降之。獻圖不屈。賊自秦犯晉。械以隨。至邑之侯馬驛。終無降意。遂遇害。清康熙間。其孫武殿元會伯勒石侯馬橋南。

烈婦石 在景明。相傳明末盜掖一美婦。婦墮崖而死。血漬石上。至今草色皆紅。

印月亭 在縣南五里。舊名梅月亭。下臨濟溪。林壑深幽。水聲清越。每當月半宵中。冰輪倒影。冷色侵人。上巳。邑人修禊於此。稱盛概焉。

新修曲沃縣志

卷二十五

第五考 古蹟考 宮府亭臺

十五

札說亭 在侯馬鎮西。即新田秋色地。清乾隆時。知縣張坊。以吳公子札。歷聘適晉。見趙文子。韓宣子。魏獻子。叔向。而說之。故建亭以紀其蹟。時。趙觀察孫英。周蒲守景柱。秦郡伯勇均。皆覽勝賦詩。**環汾閣** 在平望。褚村。汾隰流雲之上。清知縣張坊建。登閣四望。遠岫分青。曲汾繞帶。周蒲守景柱。題彼汾一曲。額。秦郡伯勇均。以萬樹烘春。煖入汾陰。凝寶鼎。三休峙閣。秀排姑射望神人。聯其上。**萬金亭** 在侯馬驛中。清乾隆丙子除夕。知縣張坊。與申都閩。張絳州。黃霍州。發駝價萬金。戲謂此財發萬金亭也。故名。後人皆謂亭名不善。是以連年數發駝價。坊便易爲進寶亭。且係之以詩。三年三度此亭過。發出黃金十萬多。從此回回來進寶。郵亭再不辦軍駝。後西師。奏凱果成讖語。**見道亭** 在隘口鎮南。亭前分大小路。接官咸止侯馬。邑候選通判張莪冠。監生楊佩瓊。建。清知縣張坊銘之曰。路岐趨岔難保。殊同歸。斯見道。

時降亭 在署西幕。清乾隆乙亥。仲夏。祈禱。時雨降。民大悅。知縣張坊。建草亭以紀其勝。前有白鶴池。溫泉注焉。

蘇喜亭 在縣署西廳前。清乾隆丁丑。苦旱祈禱。一雨三日。因建此亭。懸額蘇喜。

漢槐亭 縣城大東關關帝廟後。雷神臺巔。有古槐一本。大可數圍。相傳始於漢順帝時。清嘉慶甲

子。進士李發英撰漢槐記。豎碑其上。並勒懸漢槐亭匾額一方。

晉國遺園

在縣西十五里東莊村。該村西南門門額題曰。古晉遺址。明萬歷時。處士蘇嘉會先生有詩云。舊苑荒台楊柳新。滿徑花草盡芳芬。只因此處風光好。曾遊晉王宮裏人。

古翠嶺在縣治西四十里駘神村。舊建駘王廟春秋樓於此。其地產茵陳。春秋樓左右最佳。每歲孟春。土人爭相挖取。此味能瘳濕疾。遠方皆視爲奇貨云。

玉壺亭晉城古址。清邑令張坊建蟋蟀堂於其上。前構一亭。與南山冰巖正相對。坐蟋蟀堂中觀之。一片冰宛在亭中也。秦武域先生以玉壺亭名之。而繫以詩曰。欲問名亭何所取。眼前有景可臨摹。試從蟋蟀堂中看。一片冰心在玉壺。

宜園

在東韓村澮水之濱。韓進士宣之園也。廊舍清潔。多奇花異草。風景幽雅。顧甯人先生來沃館置此園。即歿其地。

陵墓

周

晉諸陵明（平陽府志）載晉諸陵在曲沃縣東北有八。東南有九。世傳爲晉諸陵。（左傳）晉文公

新修曲沃縣志

卷二十五

第五考 古蹟考 陵墓

十六

卒。將殯於曲沃。柩有聲如牛。是也。清乾隆二十年。奉查古蹟。前令張坊清出大塚一百有四。內除城南九堆。近沃國。土名祖宗古堆。傳係晉成侯。厲侯。靖侯。僖侯。桓叔。莊伯。武公。諸陵。其在東北蘇村八古堆。傳係晉國新田悼公。平公。昭公。頃公。定公。哀公。幽公。烈公。八公陵。雖不能實指某公某夫人之陵。然皆高十餘丈。大數十餘丈。占地數畝。其餘八十七古堆。詳載於後。以俟攷古之士。

晉夫人齊姜墓

夫人。申生母也。墓在上西關外。高三丈五尺。週圍一十八丈。明萬歷三十三年。知縣蒯諫立碑。

清朝乾隆十一年。知縣黃宸。夢夫人謂曰。吾爲晉公元妃。而一杯之土。時爲樵童牧豎所苦。心實難堪。君幸圖之。一夜數夢。次日即捐俸修築墻垣。並建門樓一楹。正疆界以禁樵童之擾焉。

晉恭世子申生墓

在下西門內恭世子祠後。廟即古墓。大殿即其塚也。殿後建以磚塔。以誌不忘。每年有司春秋致祭。

天陵

在牛村南。侯馬驛西北七里。陵高十丈。闊十丈。松柏桓桓。無敢伐者。傳係晉悼公陵。（春秋）襄公十有六年。書春王正月葬晉悼公。然無可考矣。

南陵

在白店北。侯馬西南十里。土人傳係晉平公陵。（春秋）魯昭公十年九月叔孫舍如晉。葬晉

平公。人士無稽。理或然也。

晉二公子墓 在林城村。土人名公子古堆。二塚或即奚齊卓子葬所。未可知也。

晉大夫荀息墓 在荀王村北。高九尺。週圍五丈。內有古栢二十餘株。碑記一通。村內多荀氏。即其後也。祀鄉賢祠。

晉大夫里克墓 在南吉村。塚高五尺五寸。週圍三丈一尺五寸。有碑。祀鄉賢祠。

晉介林墓 之推子。在安吉村。墓在廟殿下。

晉大夫欒書墓 在縣治西郊。晉遷新田。以曲沃爲欒氏食邑。書卒。葬於此。

九原 在西寧村。凡數塚。土人傳爲九原（檀弓）趙文子與叔譽觀於九原。即此。

晉名卿大夫墓 凡七十餘塚。在上西關者四。在西張寨者六。在下裴庄者一。在北董村者一。

在交里村者二。在靳莊者二。在庭城者五。在東白塚者一。在溝西村者一。在吉祥村者四。在東白塚。北趙村者一。在北辛村者一。在北鄭村者三。在西白集高顯鎮者一。在高陽村者一。在北莊村者二。在西上官村者二。在南上官村者二。在香邑村者三。在喬村者七。在郭村者四。在秦村者四。在汾上村者一。在白店村者三。在台神村者三。在下平望村者一。在上院莊者一。在鹿祁村者二。

新修曲沃縣志

卷二十五

第五考 古蹟考 陵墓

十七

在西賀村者五。在牛村者一。在南平望村者二。皆高二三丈。或十餘丈。大二三十丈。或五七十丈。盤踞數畝。數千年來。屢經兵燹。而馬鬣牛封。屹然如故。矧沃值地貴。寸隴爭訟。蔓延數世。獨古塚則羣相敬奉。稱爲卿古堆。大夫古堆。不敢侵種。間有犯者。其家輒遭不祥。生爲英。死爲靈。不信然哉。

晉賢士程本墓 在壚頭山。祀鄉賢祠。

鄭太子墓 在天陵南。鄭康公子。桓公二十代孫。名壽。韓滅鄭。封翼城之壽城。薨於晉之新田。葬天陵南。唐總章元年五月。其裔孫鄭君則。倩盧照隣銘其墓。

秦武安君白起墓 在白塚村。

趙將軍李牧墓 在南董村。

漢

絳侯周勃墓 在縣東南周家莊。

汾陽侯靳強墓 在縣東北方城里。祀鄉賢祠。

晉

秦子令墓

在秦村。

唐

中書令裴泰墓

在縣西大李村。祀鄉賢祠。

紫金光祿大夫靳孝謨墓

在曲村鎮。

奉議大夫靳實墓

在曲村鎮。

宋

虞部員外郎許孝恭墓

在縣西北高顯鎮西。太子中舍孟楷有碑銘。祀鄉賢祠。

在武衛大將軍史緒墓

在縣東常安村。學士王居正有碑銘。祀鄉賢祠。

孝子李居仁墓

在縣東南二里。祀孝弟祠。

金

新修曲沃縣志

卷二十五

第五考 古蹟考 陵墓

大定進士孝子許琇墓

在縣東南二里。元晉城縣君許德基有碑記。祀孝弟祠。

征南大元帥靳真明墓

在曲村。

武略大將軍靳誠墓

在曲村。

元

鎮南大元帥靳和墓

在縣東北曲村。

征西大將軍靳頡墓

在曲村鎮。

廉訪使靳用墓

在曲村鎮。翰林學士程鉅夫有碑銘。

奎章閣承制學士靳榮墓

在曲村鎮。祀鄉賢祠。

孝子靳昺墓

在曲村鎮。翰林待制揭傒斯有碑銘。祀孝弟祠。

薊國公諡忠憲許國禎墓

在縣西北高顯鎮。祀鄉賢祠。

趙國公諡僖簡許宸墓

在縣西北高顯鎮。祀鄉賢祠。

廉訪使隴西郡侯諡忠肅李謙亨墓

在縣南二里參政李朮魯翀有碑銘祀鄉賢祠。

內臺御史劉尙質墓

在縣東北張亭里祀鄉賢祠。

晉寧路判官許天麟墓

在縣東南二里學士靳榮有碑銘。

長沙縣丞王從謙墓

在縣西十五里東莊子貢生霖官長沙子孫遂居湘潭科名鼎盛葬贈公有碑。

進義校尉管軍上百戶白祐墓

在程村。

明

都指揮王進墓

在縣西程王村南明初征陳友諒戰沒勅葬今子孫百家奉祀土人以程王二字誤為程咬金墓按程知節附葬昭陵此地不應有

墓祀孝弟祠。

鞏昌知府仇敬墓

在縣東北五里祀鄉賢祠。

孝子靳馳墓

在曲村鎮祀孝弟祠。

刑部郎中郝修己墓

在縣西南郝家山祀鄉賢祠。

新修曲沃縣志

卷二十五

第五考 古蹟考 陵墓

十九

松江府教授因禮墓

在縣東北二里己未狀元錢溥有墓銘。

湖廣按察使司副使鄭恭墓

在縣東北郇村大學士楊廷和有墓表。

北平布政司參政秦鈞墓

在縣東南二里。

宣大巡撫副都御史李進墓

在縣東南二里戶部尚書洪洞韓文有誌銘祀鄉賢祠。

陝西布政司右參議耿文睿墓

在縣東南三里祀鄉賢祠。

太子少保禮部尚書諡莊簡李浩墓

勅建在南莊大學士貴溪夏言有神道碑銘祀鄉賢祠。

懷慶府知府趙鐸墓

在縣東北趙村祀鄉賢祠。

白石山人李鑛墓

在莊簡公墓側。

隆慶州知州梁綸墓

在縣東里許。

兩京府丞李鏞墓

在南莊祀鄉賢祠。

榮府長史李廷寶墓

在縣東南五里少傅楊博有碑記祀鄉賢祠。

河間縣知縣許遜墓 在縣東五里。大參李日強有墓表。

貴州布政司參政李日強墓 在縣東南五里。貴州巡撫王體復有誌銘。

大名府同知李日照墓 在城東五里。祀鄉賢祠。

四川巡撫兵部尚書李尚思墓 在縣東南二里。柳州知府王濬初有誌銘。祀鄉賢祠。

和曲州知州郭璉墓 在小里村。

漢中府同知蘇州俊墓 在東莊。

惠州府知府秦廷獻墓 在小里村。

旌表孝行生員李竊墓 在縣東南二里。祀孝弟祠。

松江府知府仇時古墓 在縣東馬莊。大學士李復余有誌銘。

順義縣殉難知縣贈光祿寺丞上官蓋墓 在縣西北汾陰村。祀鄉賢祠。孝弟祠。

上蔡縣殉難知縣許永禧墓 在縣東北張寨村。太常寺少卿張第元有誌銘。祀鄉賢祠。孝弟祠。

新修曲沃縣志

卷二十五

第五考 古蹟考 陵墓

學生衛蒿墓 在縣北二里。聞喜太史張克疑題碑。又聞喜有葬衣冠塚。祀朱子祠。並孝弟祠。

旌表孝子盧閣墓 在縣北里許。祀孝弟祠。

大漢將軍贈光祿大夫裴良積墓 在大李村。

清

勅修少師保和殿大學士衛周祚墓 在縣西北五里。大學士李鵬有誌銘。祀鄉賢祠。

兵部左侍郎衛周允墓 在縣西北五里。大學士金之俊有誌銘。總督河道朱之錫有墓表。祀鄉賢祠。

陝西巡撫兵部尚書賈漢復墓 在縣東北十里。刑部尚書魏象樞有誌銘。祀鄉賢祠。

金華府推官李廉士墓 在縣西。前學生衛蒿有誌銘。

贛榆縣知縣王之旦墓 在張少村。中書舍人賈鳴璽有誌銘。

分守潼商道衛台瑋墓 在縣西北五里。中書舍人賈鳴璽有誌銘。

霍邱縣知縣劉佐世墓 在縣西北五里。中書舍人賈鳴璽有誌銘。進士仇鳳翀有墓表。

惠湖兵備道仇昌祚墓

在縣北。知縣潘錦有誌銘。祀鄉賢祠。

烈婦喬劉氏墓

在楊柳村西。知縣潘錦改葬此地。有碑。邑人王大作。李琨等有銘。衛台揆有傳。

行人司行人王大作墓

在縣東三里。觀察仇昌祚有誌銘。

浙江紹台道劉緝堯墓

在縣小南關外。大學士禮部尚書王熙有誌銘。

翰林院庶吉士許琳墓

在小許村。

兩廣鹽法道衛台揆墓

在縣西北五里。祀鄉賢祠。

內閣撰文中書舍人賈鳴璽墓

在縣東北蘇村。洪洞進士范郭鼎有誌銘。

四川永寧道按察司僉事裴衝度墓

在大李村。

江西巡撫左都御史裴率度墓

在大李村。自撰誌銘。

吏科掌印給事中崔致遠墓

在望絳村。兵科給諫畢誼有誌銘。臨汾黨琮有墓表。

江南驛鹽道張暘樞墓

在縣西二里。江蘇巡撫己未狀元莊有恭有誌銘。本府知府秦勇均有墓表。

新修曲沃縣志

卷二十五

第五考 古蹟考 陵墓

雲南巡撫兵部侍郎裴宗錫墓

在驛橋村東南。有諭祭碑。

光祿大夫戶部侍郎裴巨卿墓

在大李村。

榮祿大夫裴巨臣墓

在大李村。

榮祿大夫裴良秋墓

在大李村。

光祿大夫都察院左都御史裴加厚墓

在大李村。

榮祿大夫裴加增墓

在大李村。

榮祿大夫裴律度墓

在大李村。

資政大夫裴衍度墓

在大李村。

四川按察使川北道裴正文墓

在驛橋村。

福建邵武府知府裴繡標墓

在大李村。

江西南康府知府裴志濂墓

在南莊村。

雲南陸涼州知州裴灼文墓 在大李村。

奉直大夫州司馬裴循度墓 在南莊堡。

中憲大夫劉三傑墓 在縣西北五里。祀鄉賢祠。

北城兵馬司指揮劉殿邦墓

蕭山縣知縣賈國禎墓

澄海縣知縣張宗顯墓 在縣西北。

文登協副將文壇墓

台灣縣知縣仇賦萃墓 在縣東五里。

興化府知府張宗衡墓 在縣西。

新甯縣知縣劉樸墓 在張寨村。

開泰縣知縣郝大成墓 在縣西。

新修曲沃縣志

卷二十五

第五考 古蹟考 陵墓

寧海縣知縣薛廷魁墓 在縣東北。

監利縣知縣衛大衡墓

平江縣知縣劉宄襄墓 在縣西北。

通城縣知縣趙齊芳墓 在南王村。

金谿縣知縣李丕則墓

西充縣知縣仇鳳翀墓

鄖西縣知縣劉允升墓

龍陽縣知縣王萃墓 在史村。

曹州參將周琰墓 在上馬村。

浙江處州府中營遊擊張鈞墓 在隘口鎮。

漳縣知縣郭堯都墓

興化縣知縣張洪允墓

昭平縣知縣仇文延墓

江山縣知縣郭衛民墓 在北郭馬村。

豐都縣知縣王鑣墓 在史村。

長壽縣知縣張體壯墓

中部縣知縣因秉彝墓

高邑縣知縣許學講墓

龍游縣知縣高鳳起墓 在席村。

萬載縣知縣高鵬起墓 在席村。

靈寶縣知縣王鳴捷墓 在西莊。

長葛縣知縣許元卿墓

新修曲沃縣志

卷二十五

第五考 古蹟考 陵墓

宣平縣知縣李方綦墓

禹城縣知縣張宗輔墓

公禹縣知縣許奇遇墓

上蔡縣知縣楊鴻羽墓 在東閭村。

大田縣知縣李丕隆墓

益陽縣知縣趙繼唐墓 在臺神村。

山東萊蕪縣知縣王醇墓 在縣西北五里。

孝子王丕澍墓 在城西北五里。祀孝弟祠。

枝江縣知縣秦武域墓 在縣大東關外。

四會縣知縣翟世甯墓

鎮筭兵備道署湖南按察使翟聲煥墓 在縣西北里許。

安徽潛山縣知縣署六安州知州常景周墓

安徽蒙城縣知縣亳州知州裴振墓 在大李村。

甘肅兵備道翰林院庶吉士蓋運長墓 在縣東北。

雲南楚雄府知府裴驄墓 在大李村。

廣東瓊州府同知裴驥墓 在大李村。

安徽池州府知府仇恩榮墓 在縣東五里。知縣葉桂芬誌銘。

雲南澂江府知府文塏墓 在陶院村。

山東諸城縣知縣署膠州知州仇恩注墓 在縣東南。山東巡撫閻敬銘有墓表。

直隸平谷縣知縣郭瀚墓 在北郭馬村。

湖北漢川縣知縣樊丙南墓 在縣西。

孝子張翊墓 在南陽村。祀孝弟祠。

新修曲沃縣志

卷二十五

第五考 古蹟考 陵墓

無名氏墓

在交橋北。姓氏里居不可考。寄埋處日久。尸體暴露。適北董董積慶道經其地。見而憫之。因磚甃其墓。泐石以誌不忘。

陝西商州直隸州州同衛佐堯墓 在小南莊。

順天西路刑錢府同知文在瀛墓 在陶院村。

直隸順德府同知衛厚墓 在張少村。

安徽徽州府通判許濂墓 在縣東八里。

廣東恩平縣知縣楊學顏墓 在縣東十里。

貴州施秉縣知縣蓋星階墓 在縣東北五里。

湖南鳳凰廳屯田守備衛爾福墓 在縣西北五里。

廣西左州知張輔世墓 在縣西南。

山東定陶縣知縣趙建斗墓 在陳村。

甘肅河水縣知縣常瑞芝墓 在西常村。

兵部郎中常炳文墓 在西常村。

貴州安南縣知縣趙鴻熙墓 在南常村。

湖南知縣張琳墓 在方城村。

前任本縣知縣翰林院庶吉士賀澍恩墓 在北白集。

刑部郎中掌吏科屯田司事務吉孔時墓 在聽城村。

貴州尋甸州知州陞任雲南楚雄府知府吉孔修墓 在聽城村。

浙江象山協副將吉孔惠墓 在聽城村。

廣西河南甘肅直隸兵備鹽法道吉天申墓 在聽城村。

湖南常德縣知縣王萃墓 在史村。

安徽旌德縣知縣王聚奎墓 在東凝村。

雲南劍川州知州周海清墓 在東城村。

新修曲沃縣志

卷二十五

第五考 古蹟考 陵墓

二十五